



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1546. usque ad annum 1549

Fleury, Claude

August. Vind. [u.a.], 1770

VD18 90118529

§. 80. Montani Cardinalis iudicium circa Cæsaris mandata.

[urn:nbn:de:hbz:466:1-66608](https://nbn-resolving.org/urn:nbn:de:hbz:466:1-66608)

Romam delatus. Ibidem mandati ex-
emplar Pontifici tradidit, qui, ut de re-
sponso consultius deliberaret, Marcel-
lum Cervinum Cardinalem Bononia
accerfivit. Hic die nona Novembris illuc
venit, eo autem præfente fummus Pon-
tifex rem cum Sfondrato, ac Montano
Cardinalibus contulit, nec non huic po-
fteriori, utpote magis vicino illud Cæ-
farei mandati exemplar transmisit, signi-
ficans, quod multi ex Patribus ad Sy-
nodi suspensionem propenderent: Sfon-
dratus vero in suo responfo mala expo-
nebat, quæ oritura dicebat, five demum
Synodus denuo Tridentum revocaretur,
five Bononiæ continuaretur. Ceterum
quid hac in re consultius foret, Sfon-
dratus haud decidebat.

§. LXXX.

*Montani Cardinalis iudicium circa
Cæsaris mandata.*

Verum Cardinalis Montanus hac super
re sententiam suam magis aperte
declarans inspectis Caroli mandatis con-
jiciebat, quod Cæsar in Pontificem, ac
Cardinales cunctationis culpam rejicere
intenderet, ut in ipsum tota celebrandæ
Synodi auctoritas devolveretur. Verum
ipsum hanc suam conjecturam impugna-
bat, affirmans, quod infirma esse hæc

Sæc. XVI.
A.C. 1547.

*Pallav. c. 7. n.
2. ex lit.
Mont. ad
Cerv. II. &
15. Nov. 1. 6.
& 7. Dec.
1547.*

Sæcul. XVI ratio; cum enim Concilium iam esset
A.C. 1547. congregatum, atque ultro annuente
 ipso Cæsare fuisset translatum, haud
 amplius penes Imperatorem staret, illud
 ubicunque ipsi libuerit, collocare, invitis
 Synodi Patribus, summo Pontifice, ac
 Christianis Principibus, quos inter Gal-
 liarum Rex Concilium Bononiæ con-
 tinuari assensit, ac plures regni sui
 Episcopos in dies submisit, multosque
 Cardinales Gallos eo ablegavit, ut Pon-
 tifici adversus Cæsareorum conatus assi-
 sterent. *Neque ex eo, pergebat Monta-
 nus, quod hæretici Concilium Tridenti ve-
 lint, satis caussæ est, cur eo retrudatur, tot
 Patribus, Catholicisque Principibus relu-
 stantibus. Itaque si præscripta Madruccio
 mandata solum privatim fuere Pontifici
 reddita, sicut ad id usque temporis contige-
 rat, suadeo, ut privatim, ac leniter rescri-
 batur iterata laudabili responsione, ac semper
 antea Pontifici usitata, qua significetur,
 quod nolit adimere Concilio manendi, disce-
 dendive, quo liberet, libertatem. De trans-
 latione, an legitima fuerit, cum in Cæsaris
 mandatis nihil habeatur, nova defensio haud
 adducenda est, sin autem Cæsariani ad pu-
 blicam contestationem progredierentur; cer-
 ta illis dies destinanda est, qua Senatam a-
 darent, responsionem accepturi: ibi vero i-
 psis reddendum est responsum sat prævali-
 dum, clarisque rationibus confectum; quibus
 etiam*

etiam adjiceretur, adversus quemlibet quacun-
 que dignitate conspicuum, qui Patres ab
 adeundo Concilio præpediret, pœnas a jure
 statutas expetitur iri, nec ipso Cæsare qui-
 dem excepto. Ceterum nulla plane condi-
 tione hujusmodi regressioni indulgendum e-
 rit, si namque Tridentina statio prius cre-
 dita fuerat periculosa, longe deinde pericu-
 losior censeatur, postquam Placentinus tu-
 multus Caroli animum in Pontificem pa-
 tescerat. Verum postremus hic articulus
 intelligi haud potest, nisi res ab alto
 petatur.

§. LXXXI.

*Dissidia Papam inter, & Cæsarem
 ob Parmensem & Placentinum
 Ducatum.*

Paulus III. priusquam clericali militiæ
 esset adscriptus, uxorem duxerat, atque
 ex suo coniugio præter Filiam nomine
 Constantiam etiam Filium Petrum Aloysium
 Farnesium suscepit, quem ultimum quoque
 Parmensem, ac Placentinum Ducem creavit,
 hacque donatione ambas hæc urbes ab Eccle-
 siæ dominio seiunxit, cui illas Galli olim
 fartas conservaverant. Ne vero ullum inde
 damnum Ecclesiæ accresceret, permutationis
 titulo Sedi Apostolicæ attribuit Principatum
 Camertinum, ac Nepensem Toparchiam, quam
 Octavio

D d 3 Mar-

Sæcul. XVI.
 A. C. 1547.

Thuan. l. 4.
 Sleid. comm.
 19.